

URDHËR

Nr. 6378, datë 22.12 2017

**MBI ORGANIZIMIN E PLANIT TË LËVIZJES SË AUTOMJETEVE TË
TONAZHIT TË RËNDË NË KUADËR TË FESTAVE TË FUNDVITIT**

Në mbështetje të nenit 8, pika 2, nenit 9, nënpika 1.1, shkronja "b", nenit 25 dhe nenit 64 shkronja "a" të ligjit nr. 139/2015, datë 17.12.2015 "Për vetëqeverisjen vendore"; nenit 3, pika 30, nenit 5, pika 3, nenit 7, pikat 1, nenit 10, pika 6, nenit 37 dhe nenit 62, pika 1 të ligjit nr. 8378, datë 22.07.1998 "Kodi Rrugor i Republikës së Shqipërisë" (i ndryshuar); vendimit nr.153, datë 07.04.2000 të Këshillit të Ministrave "Për miratimin e rregullores së zbatimit të Kodit Rrugor të Republikës së Shqipërisë" (i ndryshuar) si dhe për shkak të fluksit të shtuar dhe ngarkesës që sjellin këto mjete në qarkullim me rastin e festave të fundvitit,

URDHËROJ:

1. Me rastin e festave të fundvitit, ndalohet qarkullimi i automjeteve të tonazhit të rëndë brenda unazës së mesme, si edhe në këto segmente të tjera rrugore:

- Dritan Hoxha;
- 5 Maji;
- Petro Nini Luarasi;
- Sulejman Delvina;
- Dëshmorët e 4 shkurtit;
- Rruga Elbasanit;
- Hoxha Tahsim;
- Rruga e Dibrës;
- Kristo Luarasi (diga e liqenit);
- Don Bosko.

2. Kufizimi i mjeteve të përcaktuara në pikën 1 të këtij urdhri do të bëhet për periudhën nga data 22 dhjetor 2017 deri më datë 1 janar 2018, duke nisur nga ora 07⁰⁰ deri në orën 22⁰⁰.

3. Kufizimit të qarkullimit sipas pikës 1 të këtij urdhri i nënshtrohen edhe të gjitha mjetet që janë pajisur me autorizim nga Bashkia e Tiranës. Pas datës 1 janar 2018 qarkullimi i automjeteve të tonazhit të rëndë bëhet sipas akteve nënligjore në fuqi.

4. Ngarkohet Drejtoria e Përgjithshme e Punëve Publike të njoftoj subjektet për zbatimin e këtij urdhri.

4. Për zbatimin e kësaj urdhërese ngarkohet, Drejtoria e Përgjithshme e Punëve Publike dhe Policia Bashkiake, në bashkëpunim me Komisariatin e Qarkullimit Rrugor.

Ky urdhër hyn në fuqi menjëherë.

KRYETARI


Erion VELIAJ

Adresa: Sheshi "Skënderbej", nr.2, 1001, Tiranë, Shqipëri, tel.: +355 4 2226629, fax: +355 4 2228430

